

桂留山房詩集

序

秀水朱氏之論明詩也曰嘉靖中元美才氣十倍于鱗名雖七子實一雄也余亦云然繼有作者嘉定四先生睦乎後矣曠世逸才卓成詩史其惟吳駿公乎吾於

昭代之詩必以婁江爲巨擘也寶山沈君夢塘生二公之鄉才藻清麗善駢儷文尤善爲詩於詩嘗推四部橐面心好梅邨道光五年來遊三山余始識之七年再至乃得盡讀其詩目駭心搖莫能名其一狀約而言之模範山川吐茹霞月造奇險之詞殫幽秀之趣此君詩之一異也落花篇江南吳宮花田紅船圓卿諸曲緝旨綺

思錦摛雲纈音情頓挫蕩氣回腸此君詩之又一異也
及乎西女行神絃曲補西山詔和曲絳雲舒卷風雨紛
飛琅璈自拊飄朕欲仙此君詩之又一異也題薊風示
後錄弔周忠武嚴家兵王丞死難詩劉全姑詩遇忠孝
節烈激昂慷慨何其壯也至如三國志樂府讀明史雜
詠西楚霸王墓吳山夾馬營懷古宋徽宗畫鴈韓瓶謝
文節琴食明孝陵瓜拂水山莊撫今感昔抑又悲矣此
君詩之又一異也其最者瘐狗樓船爭船神魚東澇諸
歌行吳淞口觀水師演礮劉家河訪海道贈送萊臧及
沾劫歲暮漫興諸作憂國憫人勸善嫉惡之懷比興無

端韻流簡外幾於大聲而疾呼此君詩之又一異也美
哉如般倅之剗剗如陶旂之搏埴無施而不可乎其於
元美駿公不規規求似然而神明氣韻可以獨步江東
且每變而未有止也斯所爲善師古人者乎夫士之以
文章自命者必能踵前賢之武而循循然中道者也不
則必不囿於風尚而落落有以樹立者也以君之才假
令當元美駿公之時牢籠英俊噓喻賢豪安在不足以
震驚一世狀君弱而舉於鄉歲將及強蹟公車久中
朝公卿罕有知其名者以世之汲汲於聲利者處此渺
不易其所守矣君雖貧依人然愛吾鼎未嘗有所干獻

於冠蓋之門噫嘻君之濯纓滄浪皜然埃壒之外者也
誦君之詩宜有以知君之志矣道光九年春三月福州

陳壽祺

傳

武進李兆洛撰

會稽蕭公梧軒令江陰公子子沕侍築雲蘿仙館以居
賓客館中士多英奇吾友江陰祝子常季仙九與焉余
從子常仙九聞沈夢塘陸萊臧名而心識之壬午余客
邗上萊臧捷禮部得閩令之任枉綏寓齋氣和語素如
古賢聳肱異之夢塘家世以醫名噪吳越間甲申夏子
沕以嬾病迎視於是始識夢塘心愛而慕之而夢塘落
落穆穆若不可得而親也居旬日乃與曄夢塘見人不
爲寒暄語而雋永恬上接之者亦忘於寒暄工飲多而

不亂強之亦不辭每劇飲夜分乃罷比曉小奚叩門持箋以詩彙至長篇大什鏗鏘跌宕日日飲日日有詩子常仙九素稱敏給斂手爲壁上觀不敢與敵未幾萊臧自閩招夢塘往夢塘固好遊萊臧築來夢亭居之不一年会制府孫公平叔重脩省志聞夢塘名亟詣之延爲纂脩列牘奏聞夢塘寓書於余曰簪書之難徵今與考古同狀徵今猶自成篇段考古則一人一事稍有不合輒閣筆不能下遲至數日或數月偶檢佗書忽得前事則拍案驚喜此種甘苦外人無從知也故其成書幾數百卷精淡博浩爲佗手所不及前後遊閩八年傾其

士夫陳恭甫林少穆梁芷鄰葉小庚李蘭卿高雨農諸
公南中豪俊也皆引重願交時過邸舍就夢塘譚癸巳
少穆持節三吳蘭卿同時權按察使江南北水潦頻年
饑饉相望二公急思賑撫以夢塘秉性敢篤而又生長
是邦洞悉情弊書招之夢塘亦遊倦思歸歸則蓬蒿三
徑手自一編絕不一至公門二公虛心采度一月中書
筒稠疊夢塘手箋裁荅下至里巷瑣屑無不委曲盡致
靡靡然反覆而不厭也既將渡江北遊行有日矣忽以
疾竟至不起嗚呼天於斯人何其靳也厚其才而嗇其
遇且嗇其年邪夢塘天性內隆門無異煙所積脩金悉

以佐公費不爲妻子計畱餘篤朋舊於所親厚者同患難託死生不知爲異體其愛才如欲所至不失一賢豪嘗佐督學幕遇佳士必籍記之弱冠登賢書房師潘公朗齋以國士相待嘗纂蕭縣志畱署中者三年與諸名士研究經史之學平生著作不下十餘種多未完本散體文脫胎於唐劉蛻孫樵兩家駢體文汪洋恣肆不屑規撫六朝詩則斷以唐人爲宗兼覽眉山中州遺山道園靑田海叟西涯梅邨之作百寶惶惑不名一家近今才俊莫之與京其邈然追古人於千載之上者乎間爲詞令情韻兼勝其時桐城姚碩甫錫山顧蘭塘浙西馮

柳東大興方彥聞竝以詩古文辭著名於時其才望亦
各不相下及交夢塘而皆服膺也戊戌冬喆嗣燕孫彙
其遺集屬余刪校夢塘所箸之書當不盡是而其詩若
文則固俱在也追憶當時清尊曲宴賦詩交懽何得邪
子常已歸道山子滂仙九萊臧各自遠宦窮谷病叟塊
然獨存其能無逝水之歎乎夢塘名學淵寶山縣人嘉
慶庚午科舉人卒以道光癸巳年年四十六歲

桂畱山房詩集總目

卷一

古今體詩七十五首

卷二

古今體詩一百四首

卷三

古今體詩七十七首

卷四

古今體詩六十首

卷五

古今體詩九十三首

卷六

古今體詩六十一首

卷七

古今體詩一百十二首

卷八

古今體詩五十七首

卷九

古今體詩五十七首

卷十

古今體詩七十七首

卷十一

古今體詩六十一首

卷十二

古今體詩九十首

詩餘附存

道光乙酉先府君嘗自編少作始嘉慶庚申迄壬申十三年詩彙爲三卷授之梓人道光癸巳冬先府君棄養燕孫檢篋笥自癸酉至癸巳廿一年得詩九卷合前刻其十二卷詞其一卷先後送呈李

申耆周伯恬胡竹邨顧蘭塘諸先生校閱屢欲付刊而卒未果上海郁丈泰峯博學嗜古仿前明虞山毛氏購古今善本嘗手自鉛丹壽諸梨棗客秋同寓金陵詢及先集燕孫謹錄副本呈覽會丈所

刊元郝氏續後漢書戴氏剡源集袁氏清容居士集次第告竣因命燕孫將先集重繕一通前板漫

漶亦一并編入使傳不朽而剗刪之工則丈一人任之竊念先府君見背以來已十易寒暑小子不德不能早自成立今賴郁丈慨助俾畱手澤於萬一捧編卻立爲之悚然先府君著作等身經義史

乘以及古文儷體各自成集今藏於家間有未成
完書者尙待通儒綴補云道光甲辰夏四月男

燕

孫謹識

桂畱山房詩集卷一

寶山沈學淵夢塘

山莊早起

夜雨洗林木侵晨生暗香
芊眠覆砌草活色迎朝陽
樓露細若粟的皪珍珠光
浮空作紺碧斜射星星黃
凝視但虛白炫目微生芒
既悟空色旨變幻仍無方
研朱且點易日上花甌牆

南邨

板橋南去是南邨縱不桃源也可人
岸柳有情都蘸水野花無主亦爭春
雞豚臘酒延嬌客簫鼓斜陽賽社神

便與柴桑結鄰住此中猶有葛天民

皆澄寺

野寺僧徒散三間老屋存荒藤纏古佛枯檜挂空門祇
有谿潭印更無鐘磬喧一袈裟不借趺坐竹籬根

雨後

雨聲不可尋風色先到樹滃入西南邨一白墮煙霧摩
空頭上來仰視吁且怖灑然雨及之大點略可數瓦溝
潤未流欲縱勢已住片雲疾於鳥飛過半山去陰晴隔
車轍燥溼判歧路前谿谿水渾舴艋放漁具扶繖隔谿
僧正喚水西渡

中夜別

少年結客重然諾壁劒橫飛磨霍霍
燈花如豆驂不紅
隔牆夜叫鴝鵒惡夢中驚起喚出門
牀頭繡被香猶溫
問君不語看君去冷偏霜花天欲曙
欲曙不曙荒雞曉
太白睽睽西南低

馬嵬二首

紅顏黃土草千堆獨焚心香拜馬嵬
薄命死生關社稷
謫仙魂魄返蓬萊可憐夜雨張微曲
重話秋風李嶠才
十二碧城無覓處霓裳偷譜箏聲哀

離宮秋曉翠華遲對面恩恩訣絕時
有恨也應曉杜宇

多情可奈泣虞姬佛堂難結長生果仙樂新翻絕命詞
忍看峨眉山下月一鉤羅襪寄相思

揚州二首

紅男綠女古揚州禪智山光不管愁十斛涼螢二分月
秋鐙閒煞六街樓

竹西亭角冷颺雅殿腳東風送落花春草一叢煙雨裏
行人指點玉鉤斜

春詞

雨歇東風輕重簾展玉叉人憐初到燕颺戀半開花楊
柳三層閣藤蕪七寶車樂游原上夢春信落誰家

竹枝詞五首

乍寒乍暖午風清
晝啓關心到晚晴
穰麥已黃蠶豆老
餅香時節拍耰聲

黃梅過了又時梅
滿樹冬青花不開
大小漏天曾未補
家家上市刺船回

柳陰搖曳烏犍肥
縛箇草亭傍石磯
輪轉一聲禁不住
亂蛙閭閻鷺飛飛

東舍西鄰分蒔秧
山歌聲短秧歌長
吳儂愛聽白紵曲
不信秧歌解斷腸

木繇花上蛺蝶飛
木繇花下野草肥
但願花枝生蛺蝶

不願蛺蝶繡羅衣

本歸初生小
鈴名花蛺蝶

樵者

空山不見人黃葉掩山路欲趁斧聲尋夕陽滿紅樹

送遠曲

楊柳絲絲綠滿城攀條無那送長征曉風殘月腸俱斷
君聽鵲鵲妾聽鶯

曉行崧塘至郊店小泊

鶯聲破秋煙水氣壓篷背曉寒蘋末來搖入霜花碎晨
曦澹江岸雲影遞明晦遙山出林杪了了寫秋態一痕
病頷黃低傾雙眉黛楓葉渲孤村丹青老將退微忝墨

點龕棲鴉不成隊回權入前邨時有谿橋礙杭稻方堆
場殷雷出磨礧小泊辦晨餐乞買晚菘菜

西女行用昌黎華山女詩韻兼擬其體

月氏口授浮屠經饋鵝道士臨黃庭優婆夷作女冠子
徒侶落落江湖萍西牛賀洲最晚出玉琯細覽周天星
倫隨達摩渡海至蔓延內地矜神靈瓦聲墮地重生女
梵字教讀蒲編青齊宮姑姊老不嫁曲房夜啖門虛扁
紅氍貼地雜拜跪銅鉦玉磬喧春霆女師出門趁侵曉
脂香十里迎仙輶誰家少年炫袍服祕授不許旁人聽
罪花落地結紅豆蠟淚一寸光熒熒回身更說廣坐法

靈談鬼笑難摹形左右面首各三十雁翅排立翔青冥
章丹陳珠鬪媚嫵潘釵墮爲無時停吁嗟南山女貞木
化作述理圍雲屏鄰家漆室正愁絕莫遣佚女通丁甯

落花篇

大復明月篇源出初唐四子而音節旋轉更佳
所謂何郎妙悟接蹟風人者良非虛語予誦而
愛之作是篇以擬其意至抒懷指事各有所歸
不敢搪突前人謬擬學步也

春愁如霧吹濛濛惜花心事春愁中幾日承恩含曉露
畢生薄命怨東風金粉從來易狼籍沾離墮洞無顏色

兒童閒婦聚成茵。昨朝盛事猶堪憶。吳王苑裏豔陽時。
花萼樓前春晝遲。錦洞雲深藏曲折。綵旛風細故離披。
離披曲折花枝爛。沈水濃薰香不散。粉翅雙棲蜨夢癡。
金衣一曲鶯聲喚。蜨癡鶯喚卻無聊。畫檻移春春色驕。
戚里笙歌人未睡。豪家臺榭燭初燒。此時聲價誰同論。
此際光陰惜分寸。生憎芳草太無情。那識垂楊齊綰恨。
有人曉閣整雙鬟。坐愛芳枝手自攀。葉葉相依憐翠輓。
花花相對妒紅顏。翠輓紅顏賭脛質。采花釀面花成骨。
願將麗影鬪嬈娟。誰料春魂易銷歇。腴瘠誰人問太醫。
乞憐未免禱封姨。迢迢欲寄江南信。緩緩空歌陌上詞。

綠章不奏長生錄雨過春泥紅簌簌羅韞雙鉤掩玉環
珠樓一帶迷金谷霸陵橋畔絮初飛瑋瑁梁邊燕又歸
病起定知紅粉瘦情多忍見綠陰肥錦段零星如雪片
那堪往事重畱戀黃昏微雨畫簾垂一夕銷魂人不見
繁華一霎總堪憐萬事從知盡變遷東流易遣湯湯去
明月難逢夜夜圓卽看花落忝蕭瑟黯然禿盡江郎筆
吹徧信風廿四番斷送春光九十日春來春去自悠悠
花謝花開恨未休寂寞朱顏人易老闌干獨倚不勝愁

詠史三十首

杯酒長星禱碧空數行赤紙太匆匆祕書遺老無人識

此日悲歡事不同

脫幘收時氣不平沙場無復唱籌聲北兵已報臨瓜步
誰壞邊疆萬里城

莫共元謨笑護之礪礪曾有諫書馳將軍不解歌錢吹
但問雙聲疊韻詩

鸚鵡當年繞殿飛宮門侵曉擁朱衣殘鐙密語無人聽
忘卻牀頭潘淑妃

不妨慳鬱戲諸公譙語猶呼田舍翁失笑平生大鼯鼻
他年補入畫圖中

病人多鬼語真癡剖腹難生甯馨兒欲識景和天子質

竹林堂畔夢醒時

寒江長抱石頭城江左推袁果有名
畱待癡人著黃襪
踏歌齊唱褚淵生

綏輿里畔草萋萋乞食如聞故鬼唳
鳴臙菹羹風味好
蕭家故宅祭清谿

舍人畫勅太倉忙黃紙官衙貯錦囊
喜字細書三十六
當時愁不到西昌

閩武堂前斬縛疏禿鶯聲裏哭烏烏
梅根多少蟲兒蠹
莫但亡齊怨玉奴

三十蕭郎事竟成巴陵何地覓餘生
醇醪一盞甘如蜜

不作淒涼荷荷聲

蠟鵝難訴戾園哀麗句春坊莫費才可惜選樓高百尺
更無人築望思臺

一綫風鳶消息真百枚雞子獻何人金錢難把臺城贖
從此君王果捨身

小妻眷屬挈殘兵手刃豺狼付鼎烹我愛蕭娘能報國
公狀分啖一杯羹

七官文士我猶憐移檄湘東枉數年讀盡圖書十四萬
侍臣都會寫降箋

臨春閭子望蒼蒼玉樹花開尚未彫韓博士連袁學士

女郎宮體豔南朝

誰將讒語覓山窮
睂井臙脂一抹濃
叔寶心肝渾不識
滿牀急告未開封

司徒著作擅高名
南董休將國史爭
身後哀憐竟何益
累他生哭李宣城

但祝生男勿問天
且勞僕射奉黃鴈
魏宮故事從今改
不作金人作水仙

六州鐵騎渡黃河
絕似青青千里歌
溝水紅流陶渚血
洛陽朝士已無多

瓜豆山河再并吞
渭南楊柳綠無痕
東西未定殘碁局

黑獺差強賀六渾

階下纍纍泣御囚懷中持出美人頭楊郎宰相傳呼急
拋卻平章與廟籌

婢學夫人計最工舊恩猶許乞東宮萱花本是忘憂草
墨勅新忝女侍中

文人作賊奈渠何擁髻休尋金叵羅薰盡蕪菁人不見
暗中猶識穆提婆

粉鏡攜來竝馬行無愁天子最多情削書正急梳妝緩
勅止平陽地道兵

沁橋流水響潺湲老將投弓不入關恨煞井州閒士卒

早貽金帶十三環

旅臣白髮怨朝簪
開府儀同總不堪
抹倒韓陵一片石
淒涼詞賦哭江南

難覓倉庚療獨孤
替人行妒古來無
雲家昭訓高家妾
爭奈渠儂自有夫

脯肱零星襪被遮
自封盒子進金蛇
不須更報高公怨
贏得宣華當麗華

關西宮闕隔煙塵
死戀江都夢裏春
笑指頭顱照明鏡
圖儂何止外間人

蓮湖曲

蓮湖女兒雙漿澀綠波冷灩湘裙褶鏡邊悄妒蓮花色
不采蓮花采蓮葭蓮葭青青笑擲郎花根誤打紅鴛鴦

花田曲

寂寞漢宮罷歌舞一堆豔骨埋黃土殘脂墮地不成紅
散作香根徧花隄荔枝灣前月未昏劉王城外雪無痕
晚妝小摘簪鬆鬢低首遙憐一縷魂

江南曲

春江飛竹箭秋江澄匹練春江秋江水自流年年夫壻
征帆便如何只解便征帆不便歸帆挂一片盼斷刀鐮
音信稀鄰家昨夜客初歸郎船獨隨江水遠儂夢還隨

江水飛江上荻花如柳絮人傳郎向潯陽去江至潯陽
九派分阿儂魂夢知何處

弔周忠武公

獨木不能支大廈隻手不能擎天下黠獠百萬入秦關
山右連城如解瓦樓煩一郡扼賊東邊牆落日蕭蕭風
將劍存亡視此土血駒攪陣刀摩空以一當百賊咋舌
殺賊大半皆梟雄賊懼且忿誓滅此衝梯百道更番攻
短兵狹巷更酣戰大星墮地聲隆隆破巢之下無完卵
樓角珣弓飛雪筈長虹圍住夫人城裂襦手把金劍裹
全家浩劫付紅羊履薪自藝秦臺火嗚呼賊畏將軍如

畏虎惜令孤軍殉邊土當時若遣援兵來保全何止一
甯武大同宣府使未還鳴騶又出居庸關逆璫叛帥豈
足責鎖鑰何意歸羣姦君不見破竹東馳賊大喜沙蟲
雞狗紛紛是他鎮倘有周將軍逆賊焉能飛到此

瘐狗行

烏臺雌烏子八九溪山龍蛇作淵藪猓獠饕餮皆人形
赤股狺狺惟瘐狗石門開瘐狗來官符不避五百里妖
狐夾道迎狼豺職方何嘗如狗賤狗戴進賢學人面胡
牀踞坐忽大呌手擲銀鐙飛雪練甲寅秋冬乙卯春大
無麥禾東海濱溝瘠已腐不可食溪巷豹吠無居人無

人猶尙可有錢急賞青苗神催逋賦瘵狗怒二月新絲
一尺布游微嗇夫使要路要路不已要入城入城從此
無餘生磨牙礪齒嚙殘骨堂下犬子羣相爭猜量黔首
瘦莫是青衿肥朱封一紙鈎黨籍宮牆四匝成圍扉東
村明經夜方讀馬箠搥破讀書屋倉皇對簿莫寘辭兩
頰淋漓飛血肉肉滿几瘵狗喜盧令令噬乾肺狗食遺
民勝食穢虎俊狗餘醉若死我聞獵狗喙長守狗警食
狗體肥不服猛奈何汝狗獨披猖安得瓠盧縛汝頸乃
知天狗墮地爲天殃譬如厯劫歌紅羊瘵狗到居民弔
瘵狗行民更生斑蝥青巨蘘養

方書中瘵狗毒以湯
者以二藥治之

沃狗伐毛髓華氏之門不容汝晝伏夜行狗似鼠

樓船行

樓船將軍今楊僕同人先笑後號哭將軍赤手擒盜渠
俘囚晨向軍門縛軍門告捷捷若飛水犀戰手衣錦衣
尙書昨夜宿醒醒怒氣直上排天扉自從去年節鉞至
海疆已報銷烽燧如何縛此狂奴來將弁無乃不解事
呼盜與坐問盜因盜言非盜皆良民良民誣盜罪無赦
大車檻檻徵將軍將軍欲訴不得剖三字風波莫須有
感憤同聲唱白鳩淒涼重憶牽黃狗紙錢百萬擁郊闔
婦稚雲屯泣送君獨有渠魁齊拍手瓣香敬爲尙書焚

尚書餘怒猶未釋千絲一網殷勤織翠羽紅珊關內候
風吹柳鎖巡城陌將軍一去大樹傾誰復入海鞭長鯨
偶談往事眾切齒虞淵日落悲風生君不見議禮功臣
不可奪郭勛能庇李福達又不見海艘載寶不患貧汪
直能賄羅龍文古來黑白類如此今見武官不惜死嗚
呼奈何獨有武官不惜死

相思土

相思相思十二時三眠三起春蠶絲郎餐罌粟瓣妾買
芙蓉脂飄煙抱月牽羅帷湘筒一尺銀荷垂相思土徒
自苦可憐藥店落飛龍骨出魂銷點鬼簿

寄生草

女桑樨葉媚春雨黃竹提籠采桑女采桑先采桑寄生
假父義兒相爾女螺贏負螟蛉樹根生茯苓楊花無賴
浮青萍何如兔絲結子金鈴碎隨分黃雞作走菜年年
花底活秦宮桃葉桃根呼姊妹

應聲蟲

大蟲小蟲各自鳴大蟲先鳴小應聲聾蟲無耳聽以角
夏蟲語冰蟲不覺唧唧何啾啾繁聲滿地秋應聲不及
頻叩頭井鼃閣閣呼同調蒼蠅入座闌堂笑

號寒鳥

號寒鳥鳳皇不如我蘭宮翡翠春雲裏碧桐花下收香
坐秋風吹冷菱蕤鎖號寒鳥得過且過山雞舞鏡鏡易
破桑扈啄粟粟易餓蕭條雁戶楚江濱引入蘆花作被
臥

楊柳枝詞三首

澹月微黃一縷煙雙鬟齊唱柳屯田長條絆住歸來客
酒醒今宵何處眠

冶葉倡條踈地長沿隄新種兩三行願他飛絮隨風去
卻帶殘春到武昌

最好江南二月時紅泥樓閣碧參差春風一把畫闌畔

知是柳絲是鬢絲

同石芭厓

丕烈

遊極樂寺

古寺圍枳籬城隅闕清靜入門怖鴿飛守戶仙龍猛花
宮一畝寬竹鳴千竿冷鐘聲出林杪日華繪潭影蔬香
雜韭菘果熟墮梅杏鼎腹高及肩佛面裂至頸坐待禪
房椽畱嗽齋廚餅破衲裹琴阮懸瓢斲松癭瞿曇瘦於
腊梵唄澀如鯁蕭疎野意多徘徊清晝永何必入山溪
此間足消領

讀明史雜詠九首

濠上山川接沛豐千秋大澤起雄風張陳合傳符遷史

勝廣先聲怨阿童

指韓林兒父山童

杜易可憐無大木鳥飛終

使失良弓漢家官令韓彭老開國規模事事同

椒聊抽蔓易生根管鑰何人掌北門諸將弓刀驚叔父
一家骨肉啄皇孫劫灰愁說阿房火野史冤囈杜宇魂
吳淞本來能跋扈千秋鼉錯待重論

長驅直出紫荊關兒戲安危一霎間土木蕭條沈雪窖
玉門微倖夢刀鑊靖康不作和戎想靈武誰當奉表還
辛苦三年袁校尉節毛落盡鬢毛斑

唱罷鸛之復鵠之驚鷺辛苦覓魚時何曾天子作孤注
不信長安似弈碁還汝河山無恙在與人骨肉盡如斯

奪門兩字分明在便替羣姦定讞詞

豹房嬉笑徹通衢黃竹哀音泣路隅大賈欲居陽翟貨
將軍新進酒家胡眾中眞贗猜天子身外江山但匹夫
一事差能快人意醉來竟許縛狂奴

三篇大禮奏通都火色鳶肩骨相殊公道同聲羞仗馬
私心返哺託慈烏竟將痛哭陳書事認作功名捷徑途
援古證今幾斟酌此番律例本來無

君門萬里一閨房四十年中日月長鶴駕幾時來博望
雉衣有意屬昭陽癡韓故作家翁態調護難尋國老方
世廟神仙憲廟藥尙嫌多事白雲鄉

不拜君王拜厥臣
那花同占十分春
侍中陸媼增封誥
祭酒朝恩領縉紳
又見清流沈白馬
從來豎宦兆黃巾
沈香木偶今何在
剩有穹碑說五人

養癰一潰便難收
宮闈徒勞宵旰憂
徧報關山馳鐵騎
枉煩柱石卜金甌
軍儲何計支天下
時事終難仗列侯
青史茫茫書殉國
金哀以上古無儔

垂虹亭

鱸香斜日呼停橈
西風吹落吳江潮
采虹注水飛不起
劃然長臥成谿橋
橋上孤亭畱小住
櫂聲漁唱空中度
憑闌秋色滿江南
搖落丹楓亭下路

圓卿曲

荷珠滴露湖心貼散後重圓采秋葉芙蓉墮瓣不聞聲
飛出一雙紅蛺蝶生成璧玉字圓卿鴉髻相逢識小名
舊宅殷妃羞冒姓新妝趙燕本諧聲鈿車迎接圍瑤席
綠雲低覆鵝黃頰雨落西邊似有情風來東面渾無蹟
星簫宵殘酒力微曉窗鴟鵂苦催歸十行別樣銀鈎字
一曲離心金帶圍遲飛伯勞疾飛燕明月流黃獨不見
比日傳聞薛蕙詩數年重覩雲英面儀態盈盈壓萬方
豐容盛鬋略梳妝勝常好語人三拜歎逝餘哀淚兩行
零丁孤女逢多難五載清明泣羅幔大有梨花藻帶憂

況兼倚竹牽蘿怨外家翁媼最相憐淒絕秦王送舅篇
翠蔓移根寄生草紅心捧影眼花天虬檐東畔開妝閣
青漆雙扉閒院落吮墨偷鈔捉搦歌唾絨低眉鞦韆索
九重閣對十重樓隔院書聲互唱酬下學慣敲金屈膝
問奇戲贊玉搔頭靈均阿姊班超妹秋孃合作冬郎配
指腹難尋王寶興異貲私戒房遺愛欄衫利市手新裁
心事分明月入懷避暑園林投綠李銷寒圖畫點紅梅
標梅穠李傷春色錯刀錦段無消息依舊彭郎對小姑
不須公子尋磨勒夜闌潛窺啟玉扇閒愁款款話殘燈
未沾春夢瑤姬雨共誓秋期織女星雙星派派秋期早

空谷無人闕窈窕忍俊誰能負此宵多情難得逢生小
爲郎顚顚尙羞郎攏鬢佯佯鏡匣旁砂粒有痕防蜥蜴
天衣無縫覆鴛鴦從此銀河填作路蟋蟀倉庚等閒度
一目張羅事竟成六州鑄鐵誰貽悞傳言青鳥尙徘徊
辛螯拚飛變鳩媒豈有邯鄲配廝養已聞甄逸許曹丕
聘錢十萬輦雙轂黃者爲金白者玉養母催泰贈嫁衣
蹇修豔說藏嬌屋珍珠密字約蠻箋楊柳梢頭月悄然
划轆重尋今夜夢吞鞵難覓再生緣絮語偷聲拌訣絕
玉壺一寸紅冰熱忍垢含君荳蔻胎同歸贈汝丁香結
魯戈揮日易黃昏油壁香車直到門十尺朱絲方畢命

一時碧海共銷魂。頃刻秋風摧百卉。猜量舊事都難諱。
如何座上炙牛心。不及人間爛羊胃。驚散羣鴉尾畢逋。
返魂香窟覓蓬壺。更無府吏重迎婦。共說羅敷自有夫。
傳奇祇爲清門累。銀液犀株齊化淚。雀角狂穿亞字牆。
兔絲牢束同心帶。風流仙令訝姮娥。桂樹原應傍月窩。
釵索已曾棲綠鳳。琵琶休令泣明駝。故人重訂新人約。
牘尾研朱親畫諾。下牒虛聞追討聲。抽觚已渡風波惡。
青廬扶出轉含羞。珠箔玲瓏下玉鉤。照影自憐春水皺。
畫眉仍帶遠山愁。當時難復須臾忍。樓閣憑空浮海蜃。
險絕親經灩澦灘。堆近來怕讀筌篴引。夜月重吹簫史簫。

比肩顏色兩瓊瑤郎身幸作黃鸝子妾夢還驚朱雀橋
縷金裙褶飛香屑帷鐙閒話嵩山術此夕行雲接斷雲
隔年散雪成團雪秋荷結子尙田田不用明珠賣翠鈿
畱得圓卿佳識在樂昌破鏡果重圓

桂畱山房詩集卷二

寶山沈學淵夢塘

大江曲

大江曲江水流江流譎蕩萬里秋江南立黃鵠江北飛
白鷗白鷗自飛黃鵠立欲濟恨無楫與舟坐看去水凝
雙眸涼風蘋末聲颼颼天寒日暮將去休行吟蹙蹙且
再畱忽看旌旆雲端浮帝子欲降翩夷猶褰裳從之或
可求就其淺矣泳復游踏波忽觸江神怒潛蛟曳尾蟄
龍掉頭波濤直壓高岑樓強弓毒矢操不得焉能與之
爲仇讎躑足惟傷路阻脩大江曲使人愁白鷗黃鵠心

悠悠

送姊婿朱雲巖

樹基

之宛陵

吳淞江頭春水生
布帆策策催郵程
吳淞江畔楊柳色
一碧遠隨千里客
扇角青山畫敬亭
裏中帖子泣零丁
此行更酹一杯酒
爲我宣州弔老兵

古鏡歌

青天盪盪風吹垢
一輪古月落我手
埋頭不知幾百年
寒芒射眼尋荆藪
土花洗出金煙薰
鏡面斑斑鏡背厚
開落青菱花
顰脂墮地飛黃沙
顚顚青荷葉
秋墳冷照鴛鴦
骨美人不來
化古人古人一去
鏡有神古人不見

見古物古物評量鏡無匹龍蟠鳳紐積暗塵聽鏡如聞
人語叱吁嗟爾鏡爾無愁我且語爾爾且休勿作井中
怪勿向江心投五月五日七月七壽光先生容成侯何
不期挂咸陽宮但照人膽不照容何不高懸瑞安縣照
見人心如其面爾不見凡銅聲價貴人間時世梳妝別
鬪妍閱盡古來真面目誰如櫟子誰如田

晚渡白鶴江至安亭鎮

暝色赴前川邨墟接晚煙呼鐙尋蟹舍問渡趁漁船衣
薄秋先覺途長夜不眠興夫踏歌去如我聳吟肩

渡江懷古五首

一片孤城倚石根
孫郎割據浪花痕
三分戰伐爭天塹
萬里波濤拓海門
鐵鎖漫言籌畫誤
金陵幾見子孫存
英雄淘盡前朝淚
江月重來酌一尊

晉代衣冠貉一邱
中興事業水東流
不勞聖慮籌吳地
忍使臣僚泣楚囚
形勝百年憑鐵甕
江山半壁作金甌
諸君創出南朝局
北顧茫茫但有樓

玉樹歌殘月不明
宮門敲斷曉鐘聲
戈船直下西陵渡
鎮戍空屯北府兵
黃土無情填辱井
青谿如舊傷臺城
六朝短夢天催醒
賀若韓擒浪得名

金屑琵琶掣淚聽
家山入破怨飄零
休疑苗裔重瞳在

難待他人舂睡醒
量到江心天水碧
飛來山色酒杯青
東風吹上黃花漲
不比春池皺綠萍

居然裙帶唱迴風
蕩蕩黃天第一功
枹鼓急催雨點白
胭脂卷入浪花紅
金繒議徹長江外
玉帶魂驚古寺中
何物鰕生能叩馬
一聲老鶴破秋空

龍潭道中

泊舟排雁戶
去路問魚蠻
官柳可憐碧
沙禽如此閒
江聲京口雨
秋色秣陵山
水驛疎林外
夕陽紅夏殷

食明孝陵瓜

渴遊慣索山僧
榛熟遊再啖
山僧瓜山僧種
瓜不解意

但將瓜好人前誇客來食瓜覺瓜異優向山僧徵瓜事
山僧削瓜如戰瓜門前指點栽瓜地不是青門故侯客
不是黃臺太子宅鍾山之陽孝陵原土厚宜瓜瓜不瘠
瓜市初開請客嘗瓜廬設邇無人摘當年瓜戍臥殘兵
此日瓜田分稅額山僧語客客轉猜前朝園寢今封培
有瓜但向隙地種有僧尙派司香來長陵坏土不可盜
安能搜剔窮汙萊年年司香僧臘老歲歲種瓜瓜帶少
上環剖出祭忠魂千家瓜蔓何時了孝陵松柏血猶新
燕國椒聊根不埽至今禾黍故宮秋石馬西風臥白草
誰比開平賢子孫閉門種菜殘年飽君不見斷壺食瓜

繪幽風農圃艱難王業同一朝興廢瓜棚話野蔓青青
夕照中

雨泊燕子磯欲登不果

大江動地來危磯不能挂石燕忽驚飛西風吹暮雨長
檣攢作林晚泊喧沙澈臨江古寺寒出郭秋山聚巖扉
倚杉松濛濛不可數苔磴踏歸樵但覺石氣古秋翠本
無色潑墨黯林隴急展米家山推篷臨畫譜

訪丁卯橋同石芭厓作

水驛迢迢日易昏扁舟迂道出江邨停橈欲問詩人宅
秋草寒煙冷閉門

題憚南田花卉畫幅四首

舞衫零落女兒箱，細雨斜風泣楚王。
戰血盡歸原上草，美人今日尚紅妝。

虞美人

最瘦風神最豔姿，雙攏翠裏嫩涼時。
一生領略秋滋味，

莫怨梅花作聘遲。

秋海棠

么鳳雙棲借一枝，不成仙骨易相思。
西風簾卷人誰瘦，

只有黃花小婢知。

鳳仙

嫩月尖風護碧紗，日高還要錦籠遮。
水精簾外香清絕，

萬樹寒梅未著花。

水仙

雪後同徐寄春

汝枚

同梅第

學棹

分賦各體

打窗聲急夜風緊熨貼黃綾殘夢冷曉來世界忽空明
鏡掩玻璃照人影顏雲不散仍霏微銀海搖光認欲非
一枝兩枝竹尾重千樹萬樹梅花肥雲開日暮長天碧
細碾玉塵廣庭積翡翠樓中鐙不明楊柳梢頭月無色
搏成嬌女冰作骸夜淡風露侵瑤階一聲檐鐸恰墮地
贈與美人簪玉釵

雜詩呈姚西灣程謩堂兩夫子四首

鴻鵠騫層雲一舉一千里羽毛素豐滿扶搖挾驅使燕
雀紛啾啾榆枋捨不起俯視空其羣誰與韻顏比豈知
真身高正風疾於矢九天無終窮六幕少涯涘倦飛方

知還欲退勢難止不見咸池濱終爲逐日死

山竹勿用採蓬根勿待扶生材亦易事但恐良田蕪東
家裙屐子千里昂昂駒初生健於虎羈帶不可拘惜此
東隅日返景遮桑榆道腴無速化理轍無歧塗我終
南山旁徑捷可趨趨徑足方蹶始愛愚公愚

扣槃以爲圓捫燭以爲熱有瞽無足怪課虛誰責實柰
何具五官雙瞳若點漆暫遇東遊人爭此青天日背腫
驚藥駝腹空窺瓊蛄蝦蟇狂嘲龍老蜂酣鬪鵠可憐劉
義恭鬼粽漬崖蜜安得顧長康普賜點睛術

昔聞西京謠秀才不識字謂是里過法古來集流弊何

如舍寶興相與角文藝叢殘脈望仙槁死化爲厲竄身
入兔園中祕無此祕青雲何盤盤絕代輜軒使臣居東
海濱天溫乏蝦鬻何怪范陽盧周孔未曾記

送李厚畚秀才 福成 之海門

東風吹別聲颼颼海鄉遊客無人畱鶯囀燕語何曾歇
桃梗萍花不自由酒闌怕說昔年事親串飄零吾及記
懷刺空齋一月糧吹簫實下三聲淚兩世門庭興廢餘
兩家遊讌昔何如郎君白面中丞第名士青衫下澤車
山莊春雨聯吟客彈指年華如過隙玉軫淒涼錦裏囊
瑤箋黯澹塵生壁 謂先伯父菊廬公與弟承兄業最艱

辛食指盈千冷突貧

家大人與曾甫或堂先生均三世未嘗析居

猶有平陽

留弱息許將阿買覓良姻

菊廬公之孤學煒爲西村先生女壻

十載喬松

冰雪裏一家雛鳳聲名起

西村先生哲嗣秋潮福朝叔度福壘皆早歲知名

銘

座書教讀馬援題門客漫嘲稽喜吾亦同時竝駕驅初

生黃犢笑轅駒互驚趙幟易漢幟不信小巫見大巫春

園桃李陪羣從叔子才華追伯仲謎語時微黃絹碑篆

文手剔青田凍雨家眷屬語朱陳兩世交遊訂紀羣豈

知玉樹雙行淚斷送曇花一現身

秋潮叔度相繼下世

鶴鶴原上

秋風壞曉露淒清溼叢薤已缺三株王子安但存一个

公孫董題襟猶浣墨花痕宿草蒙茸酌一尊說到期功

憐薄祚怕將詞賦替招魂去年旅舍時相見白日看雲
雲色變孤舟襤被泣人琴敝帚文章焚筆硯不想淩雲
想問天寒甌白板客蕭朕羊脩瘦到先生饌驢券書成
弟子員玉立長身仍骯髒短衣草屨辭吾黨無限悲歌
斫地心忽生浮海乘桴想白狼山下暮潮生我欲畱君
君不聽曲終相視淚如霞柳色河橋青更青

晚過虎邱泊許墅關

但等東風不等潮畫樓孤負酒人邀沿流燈火時聞簫
出市帆檣不礙橋襤被寒忝蘆簟薄夢魂柔帶勝牀搖
無因飛渡虹闌去鈴柝聲中度此宵

重來

重來雁齒紅橋路
春色沿隄畫不成
長憶秋江人去後
孤舟夜雨打篷聲

打槳

打槳迎桃葉
當筵舞柘枝
紅開花躑躅
碧鎖草葳蕤
曉夢鶯聲喚
春愁柳絮知
飛龍憐骨出
骰子嵌相思

吳山懷古同趙滄螺丈

書作四首

萬里神州落照餘
汴梁宮闕已邱墟
但聞卽位書靈武
惜少遺言命闔廬
橋上鵲唳南國識
天邊鴻斷朔方書
白溝隔絕燕雲路
獨占吳山壯帝居

百戰沙場汗血功
新詞豪唱髮皆衝
風波誰織成三字
金幣甘輸柰九重
落日江濤馳白馬
秋風杯酒泣黃龍
故將軍是浮屠客
冷聽南屏夜夜鐘

笙歌遊晏此何時
軍國平章迴不知
狎客竝來江令宅
捷書誰賂謝公基
荒庵春夢蘂花落
孤嶺秋風蟋蟀悲
末代韓家猶北伐
頭顱萬里轉憐伊

鱗鱗天水海雲東
南渡興亡一覽中
夜迴紫微光隕地
秋高白雁影橫空
至今鱗碧沈柴市
何處冬青哭殯宮
冷笑海陵圖畫裏
高峯立馬詫英雄

仙家

仙家樓閣倚斜陽咫尺煙波萬里長未許人間調錦瑟
便疑天際詠霓裳綠楊影淺船初泊紅藕花多水亦香
江上數峯青峭峭曲中方便顧周郎

余以微疴止酒匝兩月矣七月十九日夜泊京口
秋風乍涼江月如練程桃船式鈞寘酒勸飲至醉
旋登岸欲遊蒜山行及山麓不果遊而返明日作

詩示桃船

宵程不挂江天帆水風涼襲單蕉衫麗譙初定一更鼓
金蝦蟇背騎秋鸞橫拖匹練繞城郭斜飛明鏡懸峯巖
船頭踞坐廣容席暮涼午暑仙殊凡詩懷夙喜向空闊

病骨那復愁鐫劓近學柴桑暫止酒有口且作金人緘
頗隨屈宋噉糟粕未暇趙魏分杯械鐵瓢久棄行橐底
疎懶不洗成梅臙擬從茅仙采黃獨自尋白木裝長鑱
故人搖首弗予直提壺勸客或立監但將酒德頌賢聖
夏無觴政論寬嚴初猶艱澀刺枯吻醇而後肆仍貪饒
江河一決難復障塊壘溢出盤空嵌浮圖米汁笑蘇晉
大盆圓坐拉阮咸江豚雖肥不可食佐以蟪蛄及蛤蜊
細桃素柰桂花栗手剔蟲蛙與鳥鵲藕絲蓮葍菱芡芡
采時女手勞纖摻我曹嗜好頗不一要與世俗殊酸鹹
眾人皆醉豈獨醒非若頗頗憂譏讒秋風自涼酒自暝

頓覺百疾都除，芟層雲盪胃，快吞吐。有類拔劍揮天，櫬
起循江岸，踏歌去。醉態跳躑如猿，獠豪解唱，酌江月
英雄牧馬，嗟渾瑊空潭，衰柳學人立。梳爬綠鬢，秋影影
蒜山孤聳，石齒滑。夜深登眺，愁崑崙，僧寮門閉，課魚板
佔檣林，立排松杉，諸天星斗低可摘。斜月已向峯腰，銜
歸來舟次，正潮落沙泥沒。髀無人攬，解醒急索苦茗汁。
梢公嚙語，方詰誦，手推蘆簾自勑睡。呼枕輒誤移書，箇
日高童奴促，饋面渡江，颿影風繆繆。

莫愁湖五首

水邊亭子聽琵琶，月照流黃薄似紗。難得多情雙海燕，

年年飛到話廬家

生小同鄉住石頭小姑中嬾各無愁誰家囉嘖秦淮開
三月春愁水樣流

新翻子夜畧能歌六柱船窗照碧波十五女郎湖畔住
采桑不及采蓮多

美人小影細臨摩洛水神仙湘水娥忝箇清涼山色好
雙鸞眉黛寫橫波

小劫輸贏一局碁莊田春草碧離離大江東去英雄盡
仍把湖名讓女兒

偕芭厓朱竹史

昌基

遊觀音門諸山洞

探山具夙懷讀書注遙想了了諸洞天
森然啟幽敞大山小山宮二尋二仞廣
穿如九曲珠張如三面網缺者或如缺
員者又如盎無平不成陂舍直取諸枉
石髓滴鍾乳山骨支朽壤羸旋去催容身
蛇行各撫掌并鼃不自尊磨蟻但知往
連紆眩寸心暗昧森萬象豈期一綫
開忽觀天日朗始知洞底來危磴盤數
丈一氣造厓巔四顧但蒼莽登高境漸
夷出險神初爽歸塗奔而殿浩歌慨以
懷納履履跟穿平生此一綑

晚泊呂城

搖櫓向何處白衣江上行秋潮吞壞
牖宵柝走殘兵颿

卸風初定鐙殘月倍明吳儂重刮目來泊呂蒙城

和元人十臺懷古詩十首

章華臺

雄臺凌一柱遺蹟指三休腰細武昌柳曾吞雲夢流豪
華何處問簫管到今愁吹散巫峯雨茫茫鄂渚秋

姑蘇臺

九曲胥門路離宮豔綺羅行春橋畔酒銷夏水邊歌此
地遊麋鹿誰人戀苧蘿鴟夷一舸去畫舫至今多

黃金臺

走馬燕臺路平生一片心名賢來萬里朽骨已千金白

璧酬佳士溜塵瀉素襟何人比樂毅慷慨共登臨

戲馬臺

三戶垂成日重瞳苦戰餘但分溝水界未讀汜橋書尺
土畱西楚孤臺鎮北徐後人仍戲馬鄉里近綏輿

歌風臺

捷足收秦鹿雄心泣楚騅可憐亭長貴還有故鄉思談
笑風雲起悲歡父老知彭城看咫尺衣錦更何時

越王臺

普天皆漢土獨據此高臺象郡蠻煙合羊城海色開明
珠沈瓦礫文翠沒蒿萊一覽天南小方知陸賈才

柏梁臺

綺柏霏香屑層臺敞碧空夢隨三島遠詩倡七言工仙
掌青雲外函關紫氣中讀書憐趙鬼解識建章宮

望思臺

一掬登臺淚魂歸不可招神仙惟畏死骨肉豈生妖玉
手憐鉤弋金閨鎖阿嬌任人孥戮汝追悔亦無聊

銅雀臺

漳水東流急高臺傷鄴城姦雄仍有死兒女尚多情橫
槊詩無敵分香夢不成千秋遺臭在殘瓦拾春耕

凌歊臺

再卜金刀讖呼盧一世雄興王豐沛後故宅曲阿東別
築淩雲館仍開避暑宮憑高看明月不用葛燈籠

玉波冷雙蓮

秋雨泣吳宮血染鴛鴦紫一笑采蓮人蓮藥雙雙死

芷秀葯華

鼓枻洞庭波一夜秋蘭媚贈君龍領綃半是鮫人淚

白頭吟

十七爲君嬾紅顏正及時不知茂陵女可有遠山眉

碧玉歌

碧玉小家女楮釵新上頭鄰姬好聲價十斛綠珠樓

華山畿

合歡雙蔽膝相思悔不早至今華山畿不生獨活草

楊白花

可憐楊柳青不見楊花白君是武都人妾化武都石

折楊柳歌辭

贈郎珊瑚鞭不如楊柳枝鞭長柳枝短欲去且遲遲

補西山倡和曲六首

粵西猺獠諸歌大抵皆男女相悅之詞相傳唐
神龍中有劉三妹者居貴縣之水西邨善歌與
邕州白鶴秀才登西山高臺爲三日歌秀才歌

芝房之曲三妹答以紫鳳之歌秀才復歌桐生
南嶽三妹以曉飛秋草和之秀才忽作變調曰
朗陵花詞甚哀切三妹歌南山白石益悲激若
不任其聲者言秘復和歌竟七日夜兩人皆
化爲石右見池北偶談諸曲世都不傳而思慕
哀怨之聲至今恍惚猶在戲爲補亡六章猶是
巴渝竹枝苗裔否

芝房曲

登西山兮采仙芝采仙芝兮墮瑤池妹同庚兮妹相思
水南邨北兮翩來遲山有芝兮芝有房小姑獨宿兮愁

無郎科舉秀才采黃菊菊花不及芝房香

紫鳳歌

采鸞仙子乘鸞去綠么倒挂桐花樹鴛鴦十八各成雙
不比家雞隨野鷺山有芝兮芝有房彈綠綺兮求雌凰
君白鶴兮妾紫鳳巢蘭苔兮願同夢

桐生南嶽詞

孃紫鳳兮表白鶴何不飛向生處樂鳳雛細小梧桐低
別西山兮登南嶽南嶽嗟峨隔千里馬轡尖尖接馬尾
翩紫鳳兮待秋期桐乳青青兮結桐子

蜨飛秋草曲

翻紫鳳兮待秋期君不見秋草蓬蓬蝴蝶飛蘇行巷內
木樨早蝴蝶思花不思草不見風吹花上枝秋草無情
蝴蝶老三十六圖羊四十雙圖雞枝枝葉葉孃名題郎
心不死似秋葉妾願將身化蝴蝶

朗陵花曲

君不見朗陵花朝開暮落飛黃沙蝴蝶尋花怨秋草秋
花不及春花好朗陵花兮悲春秋青龍江上風波愁請
將江水照明鏡昨日紅顏今白頭朗陵花墮秋雨莫待
無花空折枝紅淚絲絲溼金縷

南山白石歌

君愁朗陵花妾是南山石落花依草花無魂立石化人
人有魄西山低南山高望郎三暮連三朝蛛有絲兮水
不斷妾有心兮石不轉明年春色朗陵花花開花落無
人管

東風

東風有約總愆期不是微之便收之話別最憐歸燕日
傷春可奈落花時藥鑪經卷心先懶帽影鞭絲路又歧
偌大六州成一錯卽今學道已嫌遲

滬瀆懷古

晉袁山松
築壘處

海國蒼茫古壘空春申遺蹟換袁公東南烽火三軍扼

日夜濤聲萬馬雄笑看水仙沈畫鷁誓爲厲鬼滅沙蟲
年來此地鯨鯢靜猶有江花血點紅

諸子集白塔僧舍午後洪嘯鴻秀才

遵規

攜詩見

示歸途率成篇

野行露未晞晨光散朝靄道逢飯牛人指點烟林外初
地闊招提微風吹梵唄手款禪房扉琅玕裏清籟作者
六七人飛箋訂良會竹林數恰符蘭亭遊未艾鄰舍午
雞噉飯香炊菰藿有客不速來新詩鬪狡獪脫帽試長
吟松花墜襟帶隔谿漁唱喧破寺鐘聲壞野僧送過橋
行吟繞溝澮夕陽人影長暮色濃於繪

淞南兩生行哭朱竹史淩石農

鈞

吳淞之南紀信廟兩郡犬牙與而窺市廛侵曉走布商
黃標紫標白日耀怪哉咄咄生兩生一生朱姓昌基名
一生名鈞姓曰淩兩生同里幼同學比長又爲內弟兄
得草呼食呦呦鳴蛩蛩駑驢負以行雙玉曰珏爛生光
合則兩美離則傷旁人勸生去作賈兩生閉目睜不張
一生頗好作詞賦西京以下言之長一生專學制舉業
時新花樣雲錦襄如女同居不同志各行其是無相妨
我於兩生亦親串淞南訂交未弱冠同時槎上有石生
之四人者習相慣兩生乃詫德不孤往往開口稱吾徒

荀人復勸生作賈兩生噴目怒欲呼一生詞賦冠一郡
利市襴衫墨花暈一生制舉誤南華一戰交綬車又僨
兩生之才晉楚雄我與石生避其鋒兩生之行閔冉輩
石生與我知其概延津雙劍成雙龍蔡國兩裘夏兩佩
豈知國士竟無雙二弓交韞一先壞其時四月下浣時
朱生書來不成辭爲言昨日淩生死如刖一足化作夔
又言吾黨四人者如曳三足化作能我往淞南哭之慟
朱生不哭乃作詩作詩百韻敘存沒未及五十心脾摧
砉朕投筆引被臥嚙語但呼弱一个男兒識字不療飢
况值門庭遭坎坷憂能傷人類若此自夏徂秋竟不起

兩生不聞同歲生兩生乃爲同歲死一生招手一生從
地下翩翩兩佳士一生詞賦白玉樓仙才鬼才一筆收
一生制舉修文亞文學請從卜子夏凌生敏捷朱生遲
朱生曠達凌生癡九天茫茫駕靈輜我哭兩生生不知
九京沈沈灑酒醅我哭兩生生知之兩生兩生且勿恨
我作此詩亦定論似詩似傳似誄銘如腹如頭如驂斬
作此詩者淚如泉友人沈生名學淵讀此詩者淚如血
石生之名曰丕烈

題南部煙花畫冊四首

難把黃金買妾心琵琶一曲覓知音美人俠骨黨人膽

不識侯門海樣深 李香君

十五娉婷解畫蘭瑤琴往日爲誰彈大功坊畔青青草

愁說黃花漲瓦官 卞玉京

扁舟歸去大江東枉把傾城託鉅公山上蘼蕪臺下柳

獨將搖落付秋風 柳如是

第一人問豔福脩眉樓畢竟勝迷樓板橋春色都非舊

容易美人到白頭 顧橫波

雜興四首

秋風何處索知音熱血從來感慨深趙國江山輕白壁
燕臺賓客重黃金折腰未抵千鍾粟焦尾空留三尺琴

不是問雞劉越石披衣坐待月華沈

葫蘆依樣本生成滾滾同時各噉名萬里煙波洵赤壁
十年絲竹誤蒼生乘車客易歌長缺鑿壁人難借短檠
時事亦知工贈答松心獨耐歲寒盟

續貂畫虎總難真五萬蒲葵一角巾佳士品題韓刺史
美人遲暮屈靈均牡丹慣寫胭脂豔蘭草相依翡翠新
入市一錢應許看捧心底事尙含顰

脈望神仙說子虛僂僂果腹比蟬魚捉刀冷看牀頭客
識字難尋券上驢豈有文章懸呂覽不妨詞賦買相如
旁人笑煞雕蟲技自檢巾箱讀祕書

齷齪行

爲亡友竹
史代述

齷齪復齷齪腹負公公負腹晨興洗硯石折一角管城
頭盡禿脣乾口燥不可讀鐙花墮几聲簌簌解襄陽大
賈樓船開淵淵打鼓迎潮來蒲萄美酒瑪瑙杯珠履排
立聲如雷腐儒不憚槁木死灰相視不發一語歸來伏
枕中心摧長歌慷慨直上黃金臺仁朔風撼黃河十月
冰初結隻輪軋軋長塗雪鹿裘瑟縮寒如鐵飛沙射人
輒瘡裂童僕聲嗚咽逆旅主人憐然不能下舌三學書
名姓記紅箋蠅頭字階前一尺土寒士十年淚酒滴糟
邱肉治脯時稱山公啟事遲遲重遲遲三朝三暮心如

醉

四解

彼何人斯睥其目皤其腹初筮告再三瀆瀆則不

告心搖搖足縮縮彼何人斯側聞旁人言號之曰叔

五解

男兒意氣何離奇翻然歸臥滄江湄讀我架上書吟我
篋中詩乘興而行訪我親知親知揖我入殷勤致我辭
人生行樂耳須富貴何時應曰唯唯否否使我有身後
名不如卽時一杯酒

六解

古意東張秋涯

星槎

春風消息茜窗紗雙盒封題雨後檠梅樹有陰都結子
桃根無力尙開花酒邊細譜周郎曲馬上閒聽蔡女笳
一枕黃粱炊未熟從今悔不種胡麻

舟行過干余諸山

春帆破曉煙船頭壓山影九峯峯峯奇眉圖鬪明靚晴
日滃遙林歸雲溼重嶺劒光已銷沈道氣想淵靜倒浸
碧琉璃吹皺東風冷葦簑截漁莊竹梢挂笭簖正待泝
湖潮山根且繫艇

花朝二首

悄悄庭院各魂銷簾押雙垂鎖寂寥不是春風便春雨
年年吹淚過花朝

美人小影碧紗籠明月前身謫藥宮願種雙雙紅豆樹
自澆杯酒祝春風

春雨次周雲卿秀才

文麟

韻四首

舊雨蕭條隔五湖江南十日長
平蕪曉風搖入水楊柳
野樹亂嘯山鷓鴣中酒光陰人黯澹
傷春心事夢模糊
衝泥今日尋芳去定有名花泣路隅

但覺銅壺海水添
夏無月子兩頭纖
愁和夢醒仍歎枕
雲壓天低欲到檐
翦韭客來攜蠟屐
買花人起卷珠簾
酸聲比似黃梅節
孤負錫簫一味甜

棟花消息且遲遲
風片連朝織雨絲
潑墨閒臨摩詰畫
垂簾怕讀阿灰詩
最宜野水生瓜蔓
無那輕塵浥柳枝
安得新晴過騎月
夕陽山郭裊青旗

小築山莊傍澗阿
工愁善病近如何
六朝煙雨繁華少
三月鶯花感慨多
緩緩歸期迎紫陌
瀟瀟讀曲怨青娥
鬢絲禪榻春無賴
口授金經教阿哥

采蓮曲十首

采蓮蓮未花
田田水面貼
何日別西灣
爛盡蔣菇葉
蓮花水中央
艇子入橫塘
低頭盪槳過
怕驚雙鴛鴦
鴛鴦竝蒂花
花共鴛鴦睡
小婢但嬌憨
四面看魚戲
十五鄰家娃
雙花妒雙影
橈船語移時
水濺羅裳冷
撥櫂入裏湖
相看雨不厭
遲郎郎不來
外湖花更豔
水中花最嬌
鏡中人易老
老花嬌念奴
嬌欲折還須早

儂愛采蓮花郎愛采菱角
悄掩藕絲袈拋卻雙紅殼
蓮花郎比貌藕絲儂比情
纏絲不可斷都爲心瓏玲
郎愛采蓮花儂愛采蓮子
持歸欲贈郎徘徊空房裏
人道蓮心苦儂道蓮心甘
是甘還是苦昨夜夢江南

秋涯以詩來問狀且有所規次韻作答

怕有明珠濁水沈
故人書札寄情深
傳神縱少忝毫筆
學語羞隨擁鼻吟
醉尉目中無李廣
少年胯下有淮陰
他時懷裏如相問
努力冰壺一片心

虞姬墩

俗訛稱
野雞墩

漢殿秋風雌雉嘯
江東抔土拜虞兮
項劉不是爭墩客

誰把墩名誤野雞

山塘七夕四首

四面湘簾上玉鉤
洞簫遙裔水邊樓
彎彎今夜蘇州月
但照歡娛不照愁

風外衣香細細尋
畫船相竝泊涼陰
半塘橋下多情水
比似銀河淡不淡

團扇搖風茉莉開
秋羅葉葉稱身裁
阿儂花樣翻新慣
不要天孫送巧來

喁喁私語夜深時
鈿盒金釵信有之
省識今宵兒女怨
瓣香齊拜白公祠

句容舟中讀西青散記感綃山女子賀雙卿事爲

賦此篇

有天不謫無情仙有石不補無情天悟岡道人悟空色
前生一片西青石西青記外山水幽西青記中筆墨愁
絕世佳人縵空谷過江名士停扁舟天壤王郎猶抱恨
才人廝養何須問可憐香草慣當門可惜名花偏墮溷
青蟲蝕字秋葉枯粉毫細楷香模糊果有鬻薪浣紗女
恨無識字耕田夫孤篷風雨翻書讀綃山秋黛雙彎綠
人云亦云衛玠愁我用我法唐衢哭有花不送無情春
有酒不醉無情人醉來拜破蒲團鐵說法西青是現身

登雞鳴山

山寺岑巖出遠林，城隅登眺氣蕭森。
當年虎踞興王地，共此雞鳴起舞心。
十廟靈風前代劫，半天秋雨後湖陰。
水犀戰手真兒戲，新漲黃花幾尺深。

雨中重遊慧山

前月遊山山恰晴，疏林妝點秋山明。
今日遊山山忽雨，溼雲滃住冬山古。
秋山冬山各出奇，天晴天雨無不宜。
如論作詩如讀畫，但取一格非我師。
我來冒雨望山色，數里以外昏於墨。
及從山麓陟山顛，雨洗山容山秀特。
乃知大米太模糊，近山不比遠山黑。
腳無濟勝骨未仙。

石泥滑滑不敢前遮頭破傘款僧舍且喫山椒第二泉
十一月十四夜泛舟過寶帶橋對月放歌

采虹蜿蜒天不雨風約纖雲十萬縷金閭估船夜半開
仲冬二七月亭午吳淞太湖一髮窮直接清虛廣寒府
亂星迸散五十三一條玉帶光斑斕初疑甄官井上現
五色又疑延津劍氣雙龍鑲瞳神偏視射芒刺但見其
色或金或碧或朱殷青天仰可梯碧海俯可鏡水精域
裏聞人聲時有大魚出水聽船頭吹裂紫竹簫換以鐵
鑼聲夏豪水仙微步雙手招蝦蟇一躍姮娥逃天風冷
冷衣袂飄夜溪偷過紅闌橋我欲餉之以綏山之餘桃

我欲醉之以鄱湖之香醪云是請天玉女久相待不許
下界長逍遙仙之來兮不可卽仙之去兮不可識采鸞
曳尾青條條飛閣淩空水天碧安得瓊思瑤想解開七
寶囊竄名八萬三千匠人籍須臾看月月有魄須臾把
酒酒無力搖碎百東坡推開三太白米囊覆背冷如石
鼻涕橫拖長一尺

乍浦曉發

黃篴掀開聽曉鐘蒼蒼極浦水雲封巖城井竈晨煙合
海舶飄檣旭日濃語雜番夷勞貉隸書成鹽鐵獻司農
獨憐老去殘兵臥生計還輸賣菜傭

桂畱山房詩集卷二終